

De Vocabulario internationale.

Vocabulo geometria es Latine, transcriptione de Graeco, et Anglo geometry, Deutsch Geometrie, Francais géométrie, Hispano, Italiano, Potuguez et Russo geometria. Etiam vocabulos mathematica, astronomia, philosophia, historia es CLADFHIPR. Vocabulos jurisprudentia, medicina es LADFHIPR. Es noto que toto vocabulario scientifico es internationale.

Volapük, publicato in 1879, et in flore verso a 1890, consilia adoptione de vocabulos internationale, sed vocabularios non contine vocabulos praecedente.

Esperanto, in editione de 1887, et in Fundamento de 1905, non contine vocabulos citato; nam numero de vocabulos LADFHIPR supera numero 2645 de vocabulos in Fundamento.

Libro;

Bastien, Naulingva leksikono de la lingvo Esperanto determina orthographia de omni vocabulo de Fundamento in 8 lingua LADFHIPR, quando existe, et es multo importanta.

Verax, Enciklopedia vortareo, et Meazzini, Dizionario Italiano-Esperanto, contine numeroso vocabulo internationale, sed non indica internationalitate de illos. Per exemplo, isto vocabulario contine medicino et kuracart et non dice que primo es IADFHIPR, non Fundamento, et secundo es Fundamento.

Societate fundato in 1887 ab fautores de lingua internationale, tunc vocato esse volapükista, et que hodie habe nomen "Academia pro interlingu" in 1902 indica gradu de internationalitate de singulo vocabulo per abbreviationes LADFHIPR; et plure alio vocabulario de lingua international secue idem systema.

Si vocabularios de Esperanto contine omni vocabulo LADFHIPR, et de omni vocabulo es indicato diffusionem in linguas naturale, magno progressu es facta in lingua internationale.

G? PEANO

prof. in universitate de Torino.